

Arubaanse Courant

Anja 25.

DIARAZON 25 MAART 1964

No. 4996.

FABRICA DI ACIDO FOSFORICO LO USA 70 MIL TON FOSFAAT ANUAL:A.C.I. TA INTERESA

Awor cu na Israel un systema a worde descubri cual ta adecuado pa haci uso di e fosfaat Arubano economisamente pa produccion di acido fosforico, ta worde spera, cu e proyecto aki cual ta un "reaccion cadenal" door di e fabricanan di fertilizer, pronto lo worde realisa. E capacidad lo ta di tal forma cu diariamente cincuenta ton di fosfortoxyde lo worde produci, pa cual segun calculacion diariamente tin mester di dos cien ton di fosfaat arubano. E gastunan pa construccion di e fabrica di acido fosforico por lo tanto a worde calcula pa nuebe millon florin. Si e gobierno di Aruba construi e fabrica aki Aruba Chemical Industries N.V., e mes un empresa cu ta run e fabricanan di fertilizer, ta di acuerdo pa explota e fabrica. B.C. na e momento ta buscando un oferta pa construccion di e fabrica di acido fosforico, pa entre otro controla si e nuebe millon cu a worde calcula ta segun realidad. Segun ta worde spera e construccion di e fabrica aki lo duna un gran oportunidad pa trabao den e minanan di fosfaat na Seroe Colorado.

Lista di proyectonan prome fase Aruba

ORANJESTAD, 25 maart.- Pa mas informacion tocante di loke nos publica ayera tocante e projectionan cual ta ariba e lista y aproba e promer fase di e plan di tanto anja di Aruba, nos ta publica aki e lista completo di e promer fase, manera cu el a worde duna door di Bestuurscollege.

	Totaal	No rendable	Rendable
	(den florin na miles)		
Infraestructura Economico			
Investigacion rikeza den suela	620	620	-
Industrialisacion			
Preparacion terenonan pa industria	400	400	-
Establecimiento edificionan pa industria	500	--	500
Investigacion-Economico-Tecnologico	225	225	-
Construccion coneccion pipanan cu Lago	1,452	--	1,452
Expansion Industrianan quimico	14,000	--	14,000
A. salo	4,500		
B. fabrica electrolyse	9,500		
C. fabrica-fosforo-acido p.m.			
TURISMO			
Sanacion Arruven N.V.	3,000	--	3,000
Expansion Aruba-Caribbean Hotel	2,200	--	2,200
Construccion Hotel nobo	8,000	--	8,000
SANIDAD PUBLICO			
Hospital nobo	10,000	5,000	5,000
	40,397	6,245	34,152

Pa plannan di urgencia Aruba ta hanja siguiente sumanan:

Mehoracion di haaf Oranjestad	6,100	6,100	--
Trahamento terenonan pa industria na Barcadera	5,500	5,500	--
Mehoracion aeropuerto	10,500	10,500	--
Fabrica di electricidad	32,290	--	32,290
„ „ Awa	3,990	--	3,990
	58,380	22,100	36,280

Un portret cu a worde ricibi ultimamente na Aruba di e bishita di e delegacion Arubano na Israel, caminda nan a delibera tocante fabri-

cacion di acido fosforico cu uso di fosfaat. Ribba e portret e lider di e delegacion ministro E.O.Petronia ta ser saludada pa e minister di

Israel Amolgi. Mas atras nos por mira deputado F.J.Tromp y gezaghebber O.S.Henriquez.



FATUM Tel. 1845
pa tur bo aseguronan

Brug actual Spaans
Lagoen lo worde kita

ORANJESTAD, 24 maart - Asina cu e caminda principal nobo entre San Nicolas y Barcadera cual BC ta spera di construi cu (cinco millon y mei florin) fondo di EEG ta un echo, e trafico cu haci uso di e caminda aki lo over di un brug nobo. E brug nobo aki lo ta mes halto cu e dos bandanan di e lagoen. E brug lo ta asina halto y di tal construccion cu barcunan chiquito por pasa abao, pa por si acaso despues Spaans Lagoen worde transforma den un Sportcentrum Aquatico.

Ora cu una bez e brug nobo ta den uso, esun bleuw lo worde kita. E caminda over di e brug lo ta mas o menos siete meter di hanchura. Den e plan cuenta a worde teni cu posibilidad pa un coneccion di double baan.



SABOR CU NUNCA TA
VARIA
IT NEVER VARIES.

I.D.I. interesa den fabrica electrolyse

Oranjestad, 25 Maart.--

Segun nos a haya tende for di fuente bon informacion International Development & Investment Co. Ltd. (IDI) na Nassau, islanan di Bahama lo ta interesa den establece fabrica di electrolyse pa cual Aruba lo hanja nuebe millon y mei di florin den e promer fase di plan di tanto anja. E gobierno di Aruba a hanja e peticion pa duna cooperacion financiero pa esaki.

Manera anuncia anteriormente caba ta existi e plan pa establece industrianan quimico nobo na Balashi. E punto basico pa esaki lo ta e fabrica di salo, cual na investigacion na W.E.B., pronto lo worde construi. E salo aki e ora lo ta e producto prima cu lo worde usa door di e fabrica menciona, cual door di electrolyse di e salo lo prepara caustic soda y gas chloor. E empresa cual parse I.D.I. kier construi na Balashi lo tin un capacidad di produccion diario di cincuenta y cinco ton di caustic soda y cincuenta ton di gas chloor. E problema di I.D.I. parse ta cu e empresa aki cu algun aña pasa tabata un di pionieran cu a yuda realisa

Bestuurscollege kier busca zeta

ORANJESTAD, 25 mart - Na e momento B.C. di Aruba ta haciendo un estudio serio si no ta util pa sigui cu investigacion den suela di Aruba pa entre otro mira si azeta no por worde descubri na e isla aki. Aruba ta conecta cu e continente door di un plateau bao di awa y e college ta di opinion cu no ta imposibel cu Aruba por tin azeta den suela, tumando na consideracion cu e teritorionan Venezolano caminda azeta ta worde descubri no ta asina leu for di Aruba.

e fabricanan di fertilizer na Barchinera, no tin capital disponibel pa e proyecto aki: esta mas o menos nuebe millon florin. Pesei I.D.I. a pidi gobierno un prestamo di cinco millon florin pa un tempo di diez aña cu un renta di cuatro por ciento y mei. Gobierno di Aruba entre tanto a acerca eilandsraad di Aruba cu e proposicion pa duna un prestamo di cinco millon florin, Segun B.C. ta spera e fabrica di electrolyse fuera di lo taun di e gran compradornan di salo lo ta tambe uno cu lo usa hopi corriente di e fabrica di electricidad. Durante di nan ultimo biaha pa Europa Gezaghhebber O.S. Henriquez y deputado F.J. Tromp for di Miami a haci un vuelo pa Nassau, caminda nan a delibera tocante di e proyecto aki. Segun informacion nan a worde busca na Miami cu un avion particular di I.D.I. y despues hiba Boston back.



**Regina Croes pa Pto.
Rico diabierna**

ORANJESTAD, 25 maart.-- Srta. Regina Croes, kende durante di e festividadnan di Carnaval e anja aki a worde nombra como Miss Esso y despues elgi como Miss Aruba, lo biaha diabierna awor pa Puerto Rico.

Srta. Croes durante e siman cu e ta na Puerto Rico lo ta acompaña pa su ruman muher, sra. Ada Croes-Croes, E promer cuatro dianan lo nan pasa na Hotel Tanama y e ultimo den Hotel San Juan. Diadomingo dia 9 nan lo bolbe Aruba.

Middelenstaat Aruba den prome dos luna

ORANJESTAD, 25 maart - Fin di februari Teritorio Insular di Aruba a ricibi en total fl. 1. 777.933,38 di e binti cinco millon cu tin di drenta e aña aki segun e presupuesto di 1964. E post di entrada cu a produci mas cu e otroan e den e dos luna tabata esun di belasting ariba entrada cual tabata como fl. 4. 81.000, sigui pa belasting ariba vehiculonan y botonan di motor, cual tabata fl. 327,00,- y belasting ariba ganashi cual a worde suma mas cu fl. 259.000,- na aña 1963 e entrada despues di dos luna tabata fl. 1967.468.

Srta. Croes, yui di e conocido Esso dealer Frank Croes di Santa Croes, tin intencion di haci hopi reclama pa Aruba na Puerto Rico. Senor Michael Kuiperi di Oficina di Turismo di Aruba a avisé caba pa ta prepara pa conferencia nan di prensa y entrevista na T.V. Segun ta worde spera senor Mike Segara cu ta trata asuntonan turistico di Aruba na Puerto Rico, lo apoya y yuda senorita Croes den supropaganda pa nos isla na Puerto Rico. E dos ticketnan ida y vuelta pa Puerto Rico a worde regala door di Aldo Travel Bureau na Central Carnaval Comite.

Mr. Heufke abito Juv. Millionarios

ORANJESTAD, 25 maart - Ultimamente mr. C.W.J.J. Heufke a worde pidi door di e club di voetbal Juventud Millonarios pa actua como arbitro den e desunion cu Aruba Voetbal Bond. Senor Heufke entre tanto a laga sabi di ta di acuerdo cu esaki.

Siman pasa Diabierna E & G Martijn (Aruba) N.V. y Aldo Travel Bureau a worde instala como sub-agentenan di Pan American Airways. Aki senor P. Wurtz, director di S.E.L. Maduro & Sons (Aruba) N.V., cual ta agente general di Panam na Aruba, ta duna e prueba di instalacion na senor Albert Raven, director di Aldo. Patras ta para di robez pa drechi, senor W.L. Kramer di Maduro & Sons, J. Verdaasdonk di Martijn y Carlos Garcia di Panam na Puerto Rico. Pan American Airways lo cuminsa su vuelonan di jet pa Aruba dia 26 di April. E vuelonan pa Aruba lo tuma lugar for di Puerto Rico, New York y Santo Domingo, mientras cu for di Aruba Panam lo bula pa Puerto Rico, Panama, Santo Domingo y New York.

Hierdoor maken wij bekend dat tijdens afwezigheid van de heer W. Merx wordt waargenomen door

DE HEER R. KOELEMAN

HANDELMAATSCHAPPIJ KUSTERS ARUBA N.V.

Hierdoor delen ondergetekende banken haar clientele mede dat zij van 27 t/m 30 maart a.s. de gehele dag gesloten zullen zijn.

ARUBA BANK N.V.

ARUBA COMMERCIAL BANK

BANCO POPULAR ANTILLANO N.V.

CARIBBEAN MERCANTILE BANK N.V.

HOLLANDSE BANK-UNIE N.V.

Pascu Grandi

ta den curpa
No perde tempo
pariba pabao....
haci nos un
bishita y bo ta
keda cla di pia
te cabez.
pa: MAMA, papa
Anna y Pedro...



La Linda

bo tienda di confianza

DEPARTEMENT VAN ONDERWIJS LEERGANG VAKOPLEIDING BUITENGEWOON ONDERWIJS.

Bij voldoende deelneming zal op Curacao een vakopleiding Buitengewoon Lager Onderwijs in het leven worden geroepen.

Schriftelijke aanmelding voor deze leergang is mogelijk vóór 4 april a.s. bij de Inspecteur van het Onderwijs, Joh. van Walbeekplein 2 te Willemstad.

De Inspecteur van het Onderwijs,
P.T.M. SPROCKEL.

Balletschool Studio Aruba bao direccion di:

Lucy Macherowski-Jurgens

Lesnan pa: Ballet, Clasico, Ballet Americano Moderno, Gymnastiek pa Damas.

inscripcion:
ORANJESTAD:
Sociedad Bolivariana
diahuebs 26 maart y
diamars 31 maart di
2.30 pa 4.00

SAN NICOLAAS:
Kleuterschool Rayo di Sol
Diasabra 28 maart di
2.30 pa 4.30

Lesnan ta principia dia 1 di april. Pamas informacion jama tel. 2886



TA FALTA TRES DIA AINDA PA HACI BO COMPRAS DI PASCU GRANDI. LA ESPERANZA A PERCURA PA UN SURTIDO ENORME DI PROVISIONES DI ALTA CALIDAD NA PRIJSNAN DI LA ESPERANZA EXTENSO SURTIDO DI SNACKS, DUSHI, TUR SORTO DI CHUCULATI, KOEKI ETC. ETC. PA PASA BO DIANAN DI PASCU GRANDI ALEGRE. TAMBE NOS CARNICERIA TA UP-TO-DATE CU TUR CLASA DI CARNI FRESCO FRESCO. CUMPRANA LA ESPERANZA, NA UNDA BO TA SPAAR MAS Y TOCH HANJA CALIDAD.

SUPERMERCADONAN DI LA ESPERANZA NA ORANJESTAD Y NA POS CHIQUITO TA HABRI AWE, DIARAZON DI 2'OR PA 6'OR TAMBE.

DIA PA DIA MAS HENDE TA CUMPRANA E UNICO BERDADERO SUPERMERCADONAN DI LA ESPERANZA

Kleuterschool St. Cruz tin fl.60.000 caba

SANTA CRUZ, 25 maart.- For di e rapport di senjor J.B. Croeze, secretario di stichting parochie raad Santa Cruz a resulta cu e raad aki gracias na e diferente accionnan cu a worde organisa ya tin un suma di sesenta mil florin disponibel pa construcion di e kleuterschool na Santa Cruz. Anja 1963 a worde cuminsa cu tres mil florin. Cu e fondo di construcion a aumenta tremendo segun e rapport na promer lugar ta di gradici na e seis comisionnan, esta esun di loteria, bao di gia di senjornan Silvestre Vrolijk y Emiliano Mathelda, e comision pa accionnan di school bao di gia di soeurnan van Asten y senjornan Gilberto Croes y Emiliano Croes, e comision di fiesta, e comision di listanan pa firma di senjor Alberto Wernet, comision di propaganda bao di e gia di Theodor Croes y e comision tecnico di senjor Mario Croes.

Como otro cooperadornan y donateurnan cu a yuda ta worde menta den e rapport, Los Wois Wois, Liga di Maria, Mascaruba, Arubanita, mr. C.W. J.J. Heufdke, eilandsraad, senjor Josy Arends, Jolly Teeners, Conny

Francis Teeners, padvindernan, Club Estrella, mgr. J.M. Holterman y henter e paroki di Santa Cruz. E directiva di e parochie-raad awor ta forma pa presidente A. Werleman, vice presidente C. Angela, secretario Rio J.B. Croeze, tesorero S. Vrolijk y miembro pastoor Berlage.

Pero e sesenta mil florin no ta bastante ainda pa e construcion y mueblament di e kleuterschool, asina cu por lo tanto e accionnan lo continua.

STUDIEBEURZEN, STUDIEOPDRACHTEN EN VERGOEDING VAN REISKOSTEN.

Het Bestuurscollege van het eilandgebied Aruba maakt bekend, dat ten behoeve van jongelieden een aantal studiebeurzen, studieopdrachten en vergoedingen van reiskosten zullen worden verleend.

Bij de behandeling van de aanvragen zal in het bijzonder aandacht worden besteed aan de navolgende studierichtingen:

Jurist
Gemeente-Administratie 1
Gemeente-Financiën
Accountant
Eerste Stuurman Grote Handelsvaart (opleiding tot loods)
Hogere Technische School, afdeling Weg- en Waterbouwkunde
Hogere Technische School, afdeling Bouwkunde
Hogere Technische School, afdeling Electrotechniek
Scheepswerktuigkundige (A of B)
Bibliotheek-assistent(e)
Adspirant keurmeester
M.O. -opleidingen
Hotelvakschool
Sociaal werker (ster)
Luchtverkeersleider
Röntgenlaborante
Nijverheidsleraar (lerares).

De mogelijkheid om voor andere dan de hierboven genoemde studierichtingen, een verzoek in te dienen, blijft bestaan.

Verzoekschriften op gezegeld papier van f. 1.-- moeten vóór 15 april 1964 worden ingediend bij het Bestuurscollege van het eilandgebied Aruba. Bij de Afdeling Onderwijszaken van het Bestuurskantoor zijn nadere inlichtingen te verkrijgen met betrekking tot:

a. de vereiste vooropleiding, de duur, enz. van de hierboven vermelde studierichtingen;
b. de inhoud van het verzoekschrift en de over te leggen stukken.

N.1

S
T
O
R
E

New assortment of

MEN'S PANTS
BOY'S "T" SHIRTS
BOY'S SPORT SHIRTS
MEN'S DRESS SHIRTS
Plain & Many Designs

MEN'S SPORT SHIRTS

Large Variety - different colours and designs.

PIECE GOODS

IN A LARGE VARIETY
OF DESIGNS AND COLOURS.

YOUR GUILDER ALWAYS BUYS MORE AT

NUMBER ONE STORE

FUCHS & GELBSTEIN

For the Easter Season we offer special on our air-conditioned second floor

- LADIES DRESSES - LATEST STYLES,

Beautiful designs, colours, white and black *

and black & white.

CHILDREN'S DRESSES large assortment nice styles - 1 to 14

LADIES HANDBAGS complete new line Variety of quality and designs.

LADIES HATS

LADIES LINGERIE

LADIES BLOUSES

LADIES SLACKS

MATERNITY DRESSES

EMBROIDERED TABLECLOTHS, BLOUSES AND MANY OTHER

ITEMS

GIRLS & LADIES CABANA SETS

LADIES PEDAL PUSHERS

LARGE ASSORTMENT IN GIRL'S AND INFANTS WEAR.



Inundacionnan

VIENA, 25 maart.- Inundacionnan a causa danjo considerable den diferente parti di Austria. Deferente brug y casnan a worde destrui y hopi famia den tres provincia di e pais a worde evacua. Sneeuw cu tabata dirtiendo y awa ceru a causa inundacionnan den algun otro parti di e pais tambe.

Dialuna atardi banda di cuator a drenta haaf chiquito na Oranjestad e boto chiquito di motor yama

Marina cu un balahu di mas o menos diez pia pisando su casi tres cien liber. E "animal" aki a worde captura door di e dos rumannan Benedito Geerman (robez) Jacinto Geerman (drechi). E batalla cu e balahu cual a worde pega algun milla Zuid West di Aruba a dura un ora. E "lucha-

dor" tabata Benedito kende no a sali sin e marcanan for di e pelea. Su dedenan tabatin diferente corta causa pa e "animal". E pisca tabata mas o menos casi mes grandi cu e boto di 13 pia. "El a comporta su mes basta bon, unicamente e no alaga e motor mucho di aki te aya", segun edos rumannan di cas ariba 50, kendenan aki na robez y drechi cu orgullo ta mustrand e balahu.

EDDY MADURO A REGRESA FOR DI CONGRESO CLASC NA RIO

ORANJESTAD, 25 maart - Despues di un estadia di mas o menos tres siman na Sur America, a regresa Aruba dialuna ultimo, e representante di confederacion latino Americano de Sindicatos cristianos na Aruba, sr. Eddy Maduro, sumamente satisfecho di su biaha di estudio door di Sur America y tambe e congreso di CLASC, cual a tuma lugar na Rio de Janeiro for di dia nuebe di maart te dia 13 di maart ultimo. Especialmente e oportunidad cu el a hanja pa orientar su mes ariba tereno di sindicato y bida social di obreronan, ta loke el a aprecia mas di su biaha door di Sur America.

Promer cu e congreso a tuma lugar na Rio De Janeiro, sr. Maduro a sigui un curso di algun siman na Santiago de Chile, cual tabata especialmente pa lidernan di sindicatonan na Ecuador. Promer cu esaki y algun dia despues el a pasa na casi tur e paisnan di Sur America, cu excepcion di Paraguay y Bolivia, caminda el a orienta su mes ariba e manera cu sindicato ta worde hiba ayanan. E lesnan cual el a hanja durante e curso segun señor Maduro tabata, especial tocante di O.I.T., organisacion internacional di trahadornan cual tin su oficina mayor na Geneve, y ta miembro di Nacionnan Uni.

Despues di e curso na Santiago de Chile, señor Maduro a asisti na e congreso di tur e lidernan di CLASC, cual ta tuma lugar na Petropolis, un ciudad cerca di Rio De Janeiro na Brazil. Segun informacion di señor Maduro tabata presente na e congreso aki entre otro e vice presidente di I.C.V., organisacion mayor di CLASC, señor August Kool, un Belgo, conocido lider di organisacionan di trahadornan na Belgica.

Na e congreso diferente decisionan e importante a worde tuma. Por ehemplo e directiva di CLASC a worde reforma. Promer e tabata consisti di seis secretario ehecutivo, awor e lo tin 12. Door di esaki señor R. Tchumie, kende tabata secretario adjunto di CLASC pa teritorio hulandes den Caribe, a bira secretario ehecutivo. Esaki tabatin como resultado cu señor Eddy Maduro awor a bira secretario adjunto di CLASC pa teritorio di Caribe. Probablemente sr. Tchumie, kende te awor tabata staciona na Corsow, door di e nombramento aki lo bai Ecuador permanente. E decision aki ta mantene den estudio ainda. Na e proximo reunion di directiva di CLASC lo e tuma su decision si e lo instala su mes na Ecuador of otro pais den Sur America.

Dos proposicion of mihor bisa mocion cu a worde haci door di señor Maduro na e congreso a worde acepta unanime. Uno ta pa un federacion di e islanan den Caribe y e otro ta pa elimina e estorbo actual cu ta worde forma den e congresonan, door cu diferente representantenan di CLASC di cierto paisnan den Caribe no ta domina e idioma spaño. Esaki segun proposicion di señor Maduro por worde realisa. Door di cursonan pa correspondencia, organisa door di CLASC. Un otro proposicion di señor Maduro cu a worde acepta ta pa establece un instituto pa sindicalismo den e teritorio hulandes di Sur America. Probablemente segun e representante di CLASC na Aruba esaki lo worde estableci na Surinam.

Tambe den e congreso di CLASC na Brazil e cuestion di e canal di Panama, of mihor bisa e conflicto entre Esados Unidos y Panama a worde trata. Mas despues contacto lo worde tuma cu presidente L. Johnson di Merca pa busca un resolucion pa e conflicto.

Terminando e corto entrevista cu señor Maduro, un di e lidernan di sindicalismo na Aruba, el a expresa e saludo y apoyo cu organisacionnan di CLASC den e otro paisnan di Sur America a ofrece na Aruba. Apoyo na organisacionnan di obreronan na Aruba ki ora cu esaki ta necesario.

Kelkboom a sabi di supera Herman Kuiperi den un partido cu a dura algo mas cu dos ora. Promer set a caba na 13 pa 11, y e segundo 6 pa 3, ambos den favor di Kelkboom.

Edwin de Cuba tambe a keda elimina enfrentando Jose Correa. E ultimo aki a gana set number uno 6 pa 2, pero ta perde e segundo 5 pa 7, loke a empata e encuentro na un set. Esun decisivo ta worde gana 6 pa 1 door di Correa, kende asina a resulta

ball pa Copa Juliana. Nan a derrota cu anotacion di 6 carrerapa 5, e novena di Aruba Jrs. Door di esaki e muchanan di Socotora a keda elimina di e torneo, mientras cu Rainboba Bakery a bira ganador A. E segundo partido di diadomingo mainta programa entre Elmar y Parton Clippers, a worde gana pa e forma di mas facil posibel door di Paxton ora cu Elmar no a presenta.

E novena cigarillero di Paxton asina a bira ganador B.

Tennis na Aruba Jrs

(Di Nos Redactor Deportivo)

Cu ta worde fuertemente bataya den e torneo eliminatorio clase A di tennis di Aruba Jrs a keda comproba den e ultimo weganan nunga. Diasabra atardi Edgar

Super Cleaning ta continua invicto

(Di Nos Redactor Deportivo)

Diasabra pasa Super Cleaning a continua cu su rachadri triunfos den e Liga Sur di e Campeonato Oranjestad Little League 1964. E biaha aki nan a derrota Viana's cu anotacion di 10 pa 3. Nan a conecta un total di cuatro hit y a hunga sin error. Viana's a conecta cuatro hit tambe pero apifa den tres ocasion.

Pitcher ganador tabata A. James y perdedor W. Salomon.

American Legion a blankea Aruba Rotary 14-0, conectando shete hit y hungando sin error. E rotarionan a conecta dos hit y acomete ocho error.

Tim Michaels tabata e pitcher ganador, mientras cu W. Rasmijn a perde. E partido entre Aruba Lions y Libby's a worde gana 7 pa 4 door di e leonnan.


Debi na e weg di baseball entre Aruba y Sto. Domingo hunga diadomingo mainta e partidonan di Liga Nord no a bai door.

Rainbow Bakery a elimina Aruba Jrs.

(Di Nos Redactor Deportivo)

Pa un sorpresa e novena di Rainbow Bakery a percura diadomingo pasa den e promer partido di e torneo eliminatorio di soft-

Durante e recien bi-shit a di president De Gaulle di Francia na Mexico, el a asisti tambe na un funcion di ballet huntu cu su hospedador Lopez Mateos. Aki por mira De Gaulle y Lopez Mateos huntu cu e miembronan di e ballet.



un
desajuno
sabroso
cla den
un frega
di wowo..
claro cu
yudanza
di
REDDY!

victorioso.

E otro partido di clase A tabata entre Boy Escalona y George Kipp, cual partido tambe a bida uno largo durando tres set. Kipp a gana e promer 7 pa 5 y luego cu e mes score ta perde e segundo.

E tercer y decisivo ta bai pa-reeuw y ta keda dicidi te na 10-8 den favor di Kipp, cu den e forma ey ta elimina Escalona.

Den clase B Charlie van Eer a elimina Tico Kuiperi den dos set, cualnan a caba 6 pa 2 y 6 pa 3.

Incidentenan racial na Jacksonville

JACKSONVILLE, 25 maart.- Ne irregularidadnan rasial na Jacksonville den estado Mericano Florida nan a tira un muher di color mata. Varios otro persona a keda herida. Den bar y hotelnan den e barrio di color dje ciudad bomnan a explota. Mas di dos cien persona a keda aresta despues di un dia di demostracionnan cu apone un fin ne paz entre varios habitante na Jacksonville, cu a dura tres anja.

E muher di 36 anja a hanja un bala den su stoma. Na llegada na hospital a resulta cu el a muri caba. Segun polis, e tiro a bin di un auto cu a core pasa. Un homber cu tabata para dilanti un bar ne luga dje asesinato a hanja un bala door di su cabes. Un otro a wordu mara na un palu y corta cu nabaha. Dos nabegante a wordu tira den nan auto pa un homber den un auto cu a corre pasa. Dos nabegante ta herida.

Diplomatico Venezolano a fallece den ovion

PARIS, 24 maart.- Un diplomatico Venezolano a muri abordo di un avion di caminda pe conferencia comercial di Nacionnan Uni na Ginebra. Ta trata akinan di Henrique Martinez, consehero economico dje delegasion Venezolano cerca Nacionnan Uni, cu tin 35 anja. Probablemente el a muri di un atake di corazon.

Peter Lorre a fallece

HOLLYWOOD, 25 maart - E actor Peter Lorre, conoci den peliculanan escalofriante, ayera a wordu hanja morto den su casa na Hollywood. Lorre, cu a nace dia 26 di juni di 1904 na Rosenberg na Hungria a muri probablemente door di un atake di corason. Na edad di 17 aña el a sali foi cas pa uni cu un grupo di comediante despues a ser anuncia cu Lorre a cuminsa su carrera como actor na Vienna. Tambe el a junga den e grupo di comedia Berthold Brecht na Berlin. El a hanja un contract na Hollywood pa su papel den un pelicula aleman den cua el a hunga papel di un asesino di mucha. Na 1935 Lorre a sali pa Hollywood caminda el a actua den curso di aña den un cantidad di pelicula escalofriante. Lorre, cu a separa di su esposa Anne Marie, tin un yiu muhe di 10 aña. E actor ta sufri foi añanan caba di prestion.

Noord Vietnam ta protesta

HONGKONG, 5 maart.- Vietnam del Norte a acusa Merca di mandamento di avionnan U-2 di spionahe pa Vietnam del Sur y a protesta tocante esaki cerca e comision internacional pa Vietnam, segun e agencia di prensa "Nueva China" a anuncia.

Den un carta pe comision internacional e grupo di comunicacion dje comando supremo dje ehercito Noord Vietnamese cu e presencia dje avionnan aki ta forma un violacion serio dje acuerdo na Ginebra tocante Vietnam y ademas ta un hecho agresivo escandaloso cu ta trese seguridad y paz na Indo China y Zuidoozt Azia den peliger.


Autoridadnan Sur Vietnamese segun e carta aki, a ninga di duna e comision internacional permit pa inspecciona e aeropuerto Bien Hoa pasombra akinan tin por lo menos un avion U-2.



Doe ook mee
met een Rothmans
King Size, 's werelds meest
gekochte—meest gezochte—
King Size Virginia sigaret.
Voor tongstrelende bevrediging
die geen andere sigaret
U biedt: probeer ook
Rothmans King Size
en ook U zult vinden:



Rothmans King Size really satisfies



Extra strelend: extra lang, een fijnere filter, en de beste tabak.

Rothmans extra lengte,
fijnere filter en de beste
tabak die te koop is .
geven U het ware
King Size aroma.
Rook een echte
filter sigaret—
Rook een Rothmans
King Size.





EMBAHADOR MERICANO NA TOKIO PUNJALA

TOKIO, 25 maart.- Un hoben Haponés, a punjala e embahador Mericano na Hapon, Edwin Reischauer, den su pia, segun e embahada Mericano na Tokio a anuncia. E embahador a wordu hospitalisa. E asaltante tambe a keda aresta.

Un bosero di State Department a bisa despues na Washington cu estado dje embahador no ta serio, maske cu el a perde hopi sanger. E malhechor un estudiante di 19 anja a declara di no a actua pa rasonan politico. E embahador a worde punjala ora cu e kler a drenta den su auto na embahada. Un hoben den panja di trabao, a benta su curpa riba dje y a hinkele den su bel drechi. Inmediatamente e asaltante a keda detene.

Hudionan no ta culpabel

LONDEN, 25 maart.- Arzobispu di Canterbury, dr. Ramsey, riba peticion dje conseho den obispado Londen pa comprension mutuo entre Hudio y Christianan, a declara di no ta hanja bon pa declara e Hudionan culpabel ne crucifacion di Christu. Den un mensahe en ocasion dje fiesta di pasco cu ta acerca e obispu anglicano a bisa: "Ta robes ora cu hendenan tabata acusa e Hudionan pa crucifacion di Christu. Akinan e gobernador Romano no tabata menos responsabel. E mas importante ta, cu e crucifacion tabata un bringamentu entre amor di Dios y pika y egoismo di henter humanidad. Esnan cu a crucifica Christu e enberdad tabata solamente representantenan di henter humanidad. Nos tur meste acusa nos mes di crucifacion di Christu. Segun dr. Ramsey.

Esaki ta e cuerpo musical cu lo percura pa e marcha y himnonan nacional durante e weganan Olimpico na Tokio. E cuerpo ta consisti di mas di cien musico di ehército di Hapon y ta bao di glia di mayor Tokusaburo Saito.

E asaltante, cu no tin trabao y ta casi ciego a haci e impresion di ta desequilibrado. E llama Sjiotani y a bisa despues cu su hecho tabata como vengansa en relacion cu e mal politiek di Merca. E cuhu cu cua el a hinca e embahador el a cumpra. Sjiotani, ya a keda aresta durante tres biah na intentonnan pa penetra den embahada Mericano.

Medidanan contra Sur Africa

NEW YORK, 25 maart.- E comision special pa apartheid di Nacionnan Uni a insisti cerca conseho di seguridad pa tuma medidanan nobo y eficaz pa obliga Sur Africa di pone inmediatamente un fin ne tal procesonan di traicion. Den un rapport ne conseho di seguridad a ser bisa, cu gobierno na pretoria tambe meste wordu obliga pa no ehecuta sentencianan di morto, pa violacionnan cu ta bini di oposicion contra politiek rasial dje gobierno sud Africano.

Si e gobierno aki no tene inmediatamente cuenta cu esaki, meste tuma pasonan nobo contra dje. Potencianan cu ta mantene relacionnan politico y economico cu Sur Africa, riba termino corticu mester haci uso di nan influencia pa salba bida djesnan cu ta corre peligro di worde ehecuta.

Poco despues di e aterizahe di un helikopter Cubano riba e aeropuerto di Key West na Florida e portret aki a worde saca. E piloto di e aparato a worde mata y

e dos ladronnan cu a baha cu e helikopter na Merca a pidi asilo politico.

Cuba a exige pa entrega di e helikopter.

Deliberasionnan tocante tarifa

DEN HAAG, 25 maart.- Camara internacional di comercio ta insisti cerca gobiernonan pa hanja un base acceptable pa stipulacion di rebaha di tarifa y ta pone tambe medidanan pa deliberasionnan tocante abolimentu di limitasionnan comercial cu no ta referi tarifa.

Esaki ta esencia dje declaracion, cu e camara internacional di comercio, a propone cu bista riba e venidero deliberasionnan di tarifa e tal buelta Kennedy cu lo wordu inaugura dia 4 di mei na Ginebra? Ne partidonan dje organisacion di tarifa cu meste serra tratadonan. Den esaki camara internacional di comercio ta duna e punto di bista dje bida comercial internacional den e dos puntonan di mas importante cu ta forma tema dje deliberasion: dispariteit di tarifa, limitasionnan comercial cu no ta referi tarifa. Tambe e camara internacional di comercio lo anuncia su opinion nan tocante un di tres keston importante cu ta agricultura.

Catolisismo na Polonia

Varsoviak, 25 maart.- E oficialnan Polaco catolico, cu kler mantene harmonia den nan familia, semper ta trese nan carrera den peligro pasombra autoridatnan ta exigui di nan, pa duna expresion tambe den nan bida particular ne Athelismo. No mucho ten pasa un oficial mester a hui sali den panja di civil foi su casa pa un encuentro den secreto cu su esposa y nan yui muher di ocho anja cu mester a haci su primera comunion.

Riba peticion di su casa e oficial a sali cu e panjanan blanco dje bruid chiqui den un tas pa un parque, caminda e mucha a cambia panja tras di palunan. E oficial un rato despues a bai cu e tas pa un luga pa duna su yui oportunidad di bisti su panjanan simpel atrobe. E incidente, cu ta ser describi den e corant di ehército Polaco, ta ilustra e dilemma door di cua hopi oficial quende nan esposanan ta para riba pa nan familia keda solamente catolico meste enfrenta. E problema a bira agudo, pasombra autoridatnan ta considera servicio militar como un asuntu pa corrigi opinion di hopi hoben.

Pa medio di esaki nos kler extende nos sincero y eterno gratitud na tur esnan cu di un manera of otro, ya sea cu nan presencia, ya sea cu flor, krans, etc., a duna nos muestra di nan atencion y cariño pa nos difunto stimá

Eduvia Oduber (q.e.p.d.)

durante su enfermedad, morto y entierro.

Na nomber henter familia

Eddy Muller

Voor onze agentschappen afdeling

zoeken wij

JONGE ENERGIEKE VERKOPER

in het bezit van een rijbewijs.

Schriftelijke sollicitaties te richten aan het Bureau van dit blad, Nassaustraat 85, onder letter „WMRK,,.



AGENDA

ARUBAANSE COURANT
diariamente cu excepcion di
diadomingo
suscripcion f. 3,25 pa luna
edicion los 20 ct.
edita pa:
N.V. ARUBAANSE DRUKKERIJ
- en UITGEVERS - en PUBLI-
CITEITS MIJ.
Imprimi na:
N.V. DRUKKERIJ
„DE STAD,,

Telefoon 1116 Directiva y redac-
cion, 2116 Anuncio y subscrip-
cion.
Directeur hoofredacteur:
D. Wolff.

**POR CUMPRAR ARUBAANSE
COURANT NA E SIGUENTE
LUGARNAN:**

NA ORANJESTAD:
BOEKHANDEL MARISKA,
PIET SODA FOUNTAIN,
REFRESQUERIA INGRID.

NA SAN NICOLAS
NICOLAAS STORE,
UNION STORE.

CINE

De Veer: 6.00 p.m. "Zotz" all
3.30 p.m. "Requiem for a Heavy-
Weight" 18 j.
Rialto: 8.00 p.m. "El Norteño" all
Principal: 5.00 p.m. "Captain
Indbad" all
Aurora: 7.30 p.m. "The Yellow
Canary" 16 j.
Avaneta: 8.00 p.m. "The Pri-
vate Life of Hitler" all

OKTERNAN NA WARD

Oranjestad-Noord: Dr. A. Jan-
sens.
San Nicolas-Sta Cruz-Sav: Dr.
J.G.H. Janssen

OTICANAN DI WARD

Oranjestad: Botica del Pueblo
Tel: 1253-2154
San Nicolas: Botica San Lucas
Tel: 5119

TELEARUBA

05.30 Cartoons
06.00 N.A.N.A.A.
06.30 Verrekljker
06.45 Papamento Newscast
Live & Filmnews
07.00 Phil. Sivers Show
07.30 Sports News
07.45 Lassie
08.15 This man Dawson
08.45 English Newscast Live
& Filmnews
09.00 Specials
10.00 Sig. Off.

RADIO CARACAS TELEVISION

8.45 Senderos de luz
9.00 T.V. Educativa
10.30 Cosas de mujeres
11.15 El hogar y el moda
11.45 Novela
12.00 Noticias
12.05 Show de Renny
13.15 Se necesita una amiga
13.35 Cortos
14.00 Yo se lo vendo
14.30 Documentales
15.00 Estudio de Hector Monte-
verde
15.30 Perfecta ama de casa
16.00 Mejias y sus muchachos
16.55 Busque su marca
17.15 Loteria
17.30 Revolver a la orden
18.00 El Santo
19.00 Los detectives
19.30 Pajaros de acero
20.00 El Observador
20.15 Torrealba y sus Torreal-
beros
20.45 Esta noche Billo
21.15 El matrimonio perfecto
21.45 Los defensores
22.45 Noticias
23.00 Cine en español

CUMPLEANJOS

A cumpli 2 anja dia 24 di maart
e chikitin Jenny Editha Webb, fe-
licitacion ta bini di su mama E-
ditha, wela Novita, wela Meme,
welo Banban, bisawelanan Istela,
y Rozalia, tantanan Eliza, Ika,
Sira, y Lidia, omonan Emitelio,
Bazilio y Ramon, prima y primo-
nan, amiguitonan, amiguita stima
Lourdez Schellina Geerman, ma-
drina stima Viviana Maria Webb

y demas famia Webb, Tromp,
Gomez, y Luidens.

Awe ta recorda su fecha natal
Señorita Marietji Figaroa, fe-
licitacion ta bini di su tata Nico-
laas, mama Johana, rumannan
Nora, Dita, Via, Chinta, Linda,
Doentji, Jantji, Balta, Loeloe,
Nanda, Freddy, subrinonan Vi y
Orlando Giel, Junior y Roddy Pe-
rez, subrinanan Swinda y Glenda,
madrina Maria Roza, especial-
mente di tur su amiganan y ami-
gonan y tambe di Nico Aldemary,
swa Urbano Perez.

Awe dia 25 di maart ta cumpli
anja e gentil caballero Carnacion
Croes, felicitacion ta bini di su
rumannan Chichie, Pedrito, Wil-
lie, Jose, Pilano, Chebie, Simon,
tantanan, primo y primanan, 3
subrinanan na Corsow, swa Boy
Plaate na Corsow, tambe di Non-
cha, Julietta, Bertha y demas fa-
mia Croes, Plaate, y Lacle

Venus de Milo a sufri danjo

TOKIO, 24 maart.- E estadofa-
moso dje antiedad Griego "Ve-
nus di Milo" cu a llega Yokoha-
ma despues di un viahe di un
luna riba laman a resulta di a
hanja algun danjo. Solamente al-
gun pida yeso mei mei dje esta-
tua y den dobla dje bisti a los.

Ne luganan aki mes nan a dre-
cha e estatua algun ten pasa. Ex-
pertonan Frances y Hapones na
Tokio entre tanto ya a completa
e estatua. "E Venus", lo wordu
exponer di dia 8 di april te 17 di
mei den e museo pa arte occiden-
tal na Tokio, Gobierno Frances
a pone e estatua disponibel como
un gesto di amistad en relacion
cu e juegonan olympicoden capital
Hapones.

Door dje danjo cu e estatua a han-
ja a lanta atrobe critica riba
transportacion di obhetonan cos-
toso di arte.

E corante "Le Figaro", cu tin
papel importante den e campanja
contra viahe dje estatua pa Tokio
y contra exposicion di Mona Lisa
na Merca, anja pasa a scribi, cu
esaki ta un viso pa stroba en a-
delante tales aventuranan.

Segun ambtenaarnan dje minis-
ter Frances di cultura, e danjo
aki no tin significancia.



Samantha Eggar, un di e actriznan ingles mas
prominente, aki ta na New York en route pa Holly-
wood pa actua den The Collector, basá riba e
best-seller di John Fowles.

Mehoranza pa hende gagu

MOSCU, 24 Maart - Ne instituto
medico na Wladivostok nan a yuda
11 persona cu tabata gagu, segun
Radio Moscu a anuncia. Riba su
mes esaki no ta nada importante.
Solamente ta strango, e methodo,

cu cual esaki a tuma luga. Nan a
yuda e personan gagu aki door di
laga nan sinja ingles. Entre e per-
sonan gagu aki, cu ta papia un bon
ingles tin profesor Kodazoev, ca-
tedratico ne universidad di Mos-
cu. E catedratico aki te poco ten
pasa no por a papia ni unpalabra
sin di a tropeca riba su conso-
nantenan. Door di un estudio di
ingles e por a stop di tropeca
riba su palabranan segun Radio
Moscu.

PRONTO DOBLE CAYONAZO SORPRESA DI BOCA CHICA

AMARGA EXPERIENCIA

Novela pa

Pancho Papa la Poncha Pi

No. 30.

semper mi a sigui rondie, sin
resultado". Robert a brazé cu
ernura. "Un mama ta algo
recioso, Jean, mi por imagina-
ni bo sentimiento masha bon,
asobra mi tabata stima mi ma-
ma masha hopi". Fels Jean a ke-
a miré.
"Ach, Robert, ta asina bunita, cu
mi por papia tur cos cu bo, y cu
bo ta comprendemi asina bon".
"Mi ta stimabo Jean, y asina
mester keda semper den nos dos",
Robert, asina mester keda pa
semper.....". E cas tabata bunita
recha, ora cu e pareha a cana --
renta. Pero nan dos a keda pará
di ripiente, y nan a keda miré e
bomber bjeeuw, na un manera in-
rebel, kende ta jegando den nan
direccion, cu un sonrisa riba su
cara. Sin sapakiko, Robert a cor-
e braza Jean pa protehé. Pero e
bomber bjeeuw a bin serca Jean
a duné un man. Sin comprendé
a kiko, Jean a keda miré, pero
despues el a sonrei. Poco poco
a los foy braza di Robert y a

bay serca e Conde. "Cu bo a
bini.....", el a cuminsa bisa,
y conmové el a coy su man tene.
E Conde a keda primé contra
su curpa y a sunché riba su ca-
ra. "Bo kier a bira mi jiu muhé,
Jean?", el a puntra poco nervio-
so. Contento y emocioná Jean a
corre brazé y a sunché. Pero
despues el a haya un poco ber-
guenza y su cara a bira corra,
y el a baha su cabez. "Ami.....
por fabor.....despensami....., mi
mester a haci esey! El a keda mi-
ra e Conde den su cara y a sigui
papia: "Mi ta sintimi asina felis!
Semper mi a desea, cu un dia bo
lo bir serca nos, y cubo nota ra-
bia na.
Pasobra nos dos ta stima otro asi-
na hopi. "Conmové e Conde ta ron-
dia mirada di su jiu homber. "No
mi jiu nan, mi no ta rabia mas cu
bosonan. Mi ta contento cu boso-
nan tabata asina balente. Y awor
Jean, bo mester mustrami, cu abo
tampero no ta rabia cu mi. Pesey
jamami, papa? Papai, mi por ja-

mabo asina.....?" Jean a corre
brazá Robert.

"Bo a tende Robert. Mi por ja-
mele papa, y e no ta rabia mas.
Mi Dios, esta felis mi ta sinti-
mi".

Robert a brazé y a duna su tata
un man. "Mi tabata sa, cu algun
dia lo bo bini papa, el a bisa
trankil. "Mi tabata confia riba
bo stimacion". Ademas abo ta
mi unico jiu homber! E Conde
a contesta y ta purba controla
su emocion, despues el a dirigi
su mes na e mama di Jean. Na
su manera cariniosa di semper
Maria a haci pa e Conde sinti
su mes na cas. El a pone su --
man riba su braza, ora cu e Con-
de a pidié si e por sinta junto --
cu né na mesa. Despues nan dos
a cana junto bay sinta na e mesa,
cu tabata bunita dorná. Tabata
un grupo masia alegre, cu ta-
bata sinta junto na e mesa, y tur
ora bo por tende Jean su hari-
mento. Ta un hende so tabata
keto sinta, y tur ora Maria mes-
ter keda mirele un poco preocu-
pa. Olger no tabata worry cu e
emocion rond di dje.

Su pensamentonan tabata rondia
Ina, cu tabata pará bandi dje den
misa, asina serca, cu casi e por
a sinti e holó di su cabez. Pero
despues el a bolbe perde Ina di
bista.....Tur su deseonan taba-
ta envano, nan no por a worde

cumpli. E tabata sinti su mes
intranquil y el a lanta para des-
pues el a cana sali. "Ina, awor
mi ta spera asina tanto anja, y
ainda bo no por a haya e camin-
da pa bin serca mi? Pakiko?
Ta asina chikito bo amor taba-
ta?, asina zwak bo confianza
ta?, cu te ainda bo ta duda."
Preguntas y mas preguntas, sin
cu e ta haya contesta. Un mo-
vecion a haci Olger bira waak
y e mester a tene su rosea.
Mesora el a reconocé e figura
delegá cu ta jegando poco poco
na e bentana. "Ina", e kier a
grita, pero su garganta tabata
serra.

El a cuminsa sinti duele, ora
el a ripara e deseo inmenso
den Ina su wowonan, cu ta mi-
rando paden. "Jean, mi jiu. Mi
no por a reza mas hopi, pasob-
bra mi a kere di odia Dios. Pe-
ro awe mi a bolbe reza, pa pi-
pidié, pa bo bira feliz, y pa bo
no conocé sufrimento den bo bida
Mi nota worry cu mi destino, bas-
ta abo bira felis. "El a lanta su
man, pa asina bendicioná su jiu,
y despues el a bira bay bek, can-
sá. Olger a splerta for di sor-
presa. Pa miedo cu Ina bolbe bay
lagué, el a corre bay para su di-
lanti. Spantá Ina a dal un paso a-
trás, cu wowonan hancha habri
el a keda miré, manera cu ta un

spirito Olger ta, y despues e kier
a sali corre.

Pero e biaha aki Olger no a duné
e oportunidad. El a strobé di haci
sey. "Ina pakiko bo ta huy pa mi,
y pa mi amor?". "Tene piedad
di mi Olger, y lagami bay". Ol-
ger a sacudi su cabez.

"No Ina, ta hopi anja mi a sinta
spera riba e momento aki, mi a
sonja di dje, y tur ora mi ta ima-
gina mi mes cu nos a bolbe topa
cu otro. Porfin bo ta pará mi di-
lanti, porfin mi a hayabo atrobe,
y bo ta desea, pa mi lagabo?".
"Olger, mi ta rogabo, lagami
bay. Bo a sonja cu nos lo bolbe
topa cu otro. Pero hopi anja a
pasá, anja di amargura y deses-
peracion. Ya mi a bira un muhé
bjeeuw. "Ina mi ta stimabo,
nunca mi ta stop di stimabo, y lo
mi sigui stimabo te dia mi muri.
Ina no bay lagami, no bolbe tira-
mi den soledad."

Cu duele Ina a pone su mannan
dilanti su cara. "Keda keto Ol-
ger, mi ta rogabo, keda keto.
Mi culpa ta asina grandi, mi bida
ta destruí. Mi no tinderecho riba
felicidad, mi mester sigui mi mes
caminda, te ora mi fin jega."
E no a bisa nada mas, pero el a
braza Ina, y a primé un poco
contra su curpa. "No Ina, bo no
ta sigui bo caminda mas bo so.

(E ta sigui)

RIP KIRBY

pa cortesia di:

JAN BODEGOM & CO (ARUBA) N.V.Agente exclusivo di **FRIESCHE VLAG**



lechi evaporado y lechi en polvo

MAXWELL HOUSE KOFFIE.**CISCO KID**


pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta nã Aruba.

**BUCHI ROBEZ****PEPITA**

with compliments of

OFICINA MARITIMA DE ARUBADOCUMENTATION & TRANSPORTATION
FOR INCOMING, LOCAL & OUTGOING CARGOES BY AIR, SEA AND LAND**DICK TRACY****Horoscopo personal**

ARIES- 21 di maart - 20 di april - Continua cu e trabao cu bo a cuminsa ayera y no tene nin-gun disputa cu bo hefenan.

TAURO- 21 di april - 21 di mei - Esaki ta un dia grandi pa Tau-ro si e ta prepara pa usa su tempu y esfuerso pa inverti po-co efectivo. Saca bon provecho di e dia aki cu bo tin suerte.

GEMINIS- 22 di mei - 21 di juni - Esaki ta un dia pa bo cu-minsa algu importante, especial-mente si esaki no tin nada que ver cu e generacion hoben.

Pa **BOEKI „SONJO,”** na span-jo y ingles cu interpretacion di number di suerte.....
„NICOLAAS STORE,”
Tel...5385 - San Nicolas

CANCER- 22 di juni - 23 di juli - Quizas bo amigonan ta yu-dando bo mas tantu di loke bo sa. Pasa bo propio deseonan contra loke por ta bo mihor co-nocimentunan.

LEO- 24 di juli - 23 di aug-ustus - No laga bo terquedad derrota bo mihor interesnan. A-tende bo negoshinan na un manera eficaz.

VIRGO- 24 di augustus - 23 di september - Escohe algun obhe-tivo mayor y pasa e dia tra-tando di reañisele. Quizas re-sultado di bo esfuersonan losor-prendebo.

LIBRA- 24 di september - 23 di october - Si nan yamabo pa bo splica bo actitud raro, pa pia francamente pero ajustando berdad.

ESCORPION- 24 di october - 22 di november - Esaki ta un dia excelente pa bo bende mer-cancia. Negoshinan ta bai meho-ra.

SAGITARIO- 23 di november - 22 di december - No cumpra de-masiado cosnan nobo. Esaki tampoco ta un dia extra-vagante den cosnan emocional. Mantene bo mes tranqui.

CAPRICORNIO- 23 di december - 20 di januari - Esaki ta un dia activo pa tur bo interesnan. Ta muy probable cu bo por alcan-sa bo meta den cual bo a fha.

ACUARIO- 21 di januari - 19 di februario - Elimina cosnan cu ta-bata causabo cansancio y tension for di bo ambiente. Traha pero no preocupa.

PISCIS- 20 di februario - 20 di maart - Hasi e dia aki conta pa dos den asuntonan profesional comercial o social. Reserva bo bida personal.

Inglaterra ta ninga visa na Tsjombe

londen, 24 Maart - Inglaterra pa di dos biaha a ninga ex-presi-dent Tsjombe di Katanga visa pa un bishita prima na Inglaterra. Diasabra pasa Tsjombe a haci un tal peticion cerca embahada britanico na Madrid, pero nan no por a cumpli cu e peticion aki, door cu e no tabatin ningun pasa-orte valido o otro documento di viahe. Tampoco na december pasa Tsjombe a hanja visa, a base dje mesun falta di papelnan neces-ario.